



Inatsisartunut Ilaasortaq  
Aqqaluaq B. Egede (Inuit Ataqaatiit)  
/maani

## Inatsisartuni ilaasortaasumut Aqqaluaq B Egedemut, Inuit Ataqaatiit, akissut

24. januar 2014  
Sagsnr. 2014-095248  
Dok. Nr. 1465054

Asasara Aqqaluaq B. Egede

Postboks 1037  
3900 Nuuk

IT-mut allaffeqarnermullu tunngasuni pisiortornermut aningaasatuutaasartut pillugit ulloq januaarip 9. 2014 Naalakkersuisut arlalinnik apeqquteqarfigaatit. Apeqqutinnut qujavunga.

Tlf. (+299) 34 50 00  
Fax (+299) 32 46 14  
E-mail: oed@nanoq.gl  
www.nanoq.gl

1. **Namminersorlutik Oqartussat suliffeqarfiutaanni sullissivinnilu Namminersorlutik Oqartussat akisussaaffigisaanni allaffeqarfinni atortulersuutit pisiarineranni, soorlu printerit il.il. aningaasartuutit ukiut kingulliit pingasut qanoq isikkoqarpat?**

### Akissut:

IT-mut allaffeqarfinnullu tunngasunut pisiortornermut Namminersorlutik Oqartussanut taakkulu immikkoortortaqaarfiinut aningaasartuutut tabel 1-imi takuneqarsinnaapput.

**Tabel 1: IT-mut, atortunut allaffinnullu tunngasunut agguataarlugit pisiortornermi aningaasartuutit. Ukiut malillugit agguataarneri**

Sumiiffik	2010	2011	2012	2013 *
IT- mut aningaasartuutit	15.884.704	6.595.665	8.992.871	13.443.761
Atortut, pisinerit	43.724.041	32.083.711	41.800.425	35.084.472
Allaffinnut tunngasut	17.289.069	16.310.191	15.292.447	13.947.569
<b>Katillugit</b>	<b>76.897.815</b>	<b>54.989.567</b>	<b>66.085.743</b>	<b>62.475.802</b>

\*Decembarip naanerani 2013 kisitsisaagallartut.

IT-mut aningaasartuutit tassaapput hardwaret, assersuutigalugit: printerit, pc, ram aamma kabelit.

Atortunik pisinerit assersuutigalugit tassaasinnaapput: maskiinat, sakkut, atuakkiat annerusut, eqqumiitsuliat, allaffinni atortut, biilit, angallatit, qatserutit, errorsivinnut ikkussukat, kissarsuutit gassitortut innaalligassamoortullu, pigisat, pequtit, sikaaviit, IT-mut atortut.

Allaffinnut tunngasut assersuutigalugit tassaasinnaapput: Kuglepennet ringbindit, tonerit, minnerusunik pisiortornerit, naqitikkat, pappiaqqat, allakkanut pappiaqqat, allakkat puui, immersugassat, assersuutigalugit kopimaskiinat kiisalu atortunik iluarsaassisarneq pillugit sullissinermik isumaqatigiissutit.

Aktienik ingerlatseqatigiiffinnut namminersorlutik oqartussanit pigineqartunut tunngatillugu, taakkorpiaat aktienik ingerlatseqatigiiffuttut aqqissuugaapput taamaattumillu Namminersorlutik Oqartussat aqutsinerannut taakkulu ataanni sullissivinnut ilaatinneqaratik. Aktienik ingerlatseqatigiiffiit inatsisat naapertorlugit namminneq missingersuuteqarput il.il. Taamaattumik aamma ingerlatseqatigiiffiit ingerlatsinerinut Naalakkersuisut akulerunneq

ajorput tamassumalu malitsigisaanik Siulittaasup Naalakkersuisoqarfiani Siulersuisunut Allattoqarfik malillugu aallaaviani paasissutissat tamakku pigisarinagit. Siulersuisunut Allattoqarfiup aamma § 37 nr. 254, 2013-imeersumut akissut kiisalu ingerlatseqatigiiffiit ukiumoortumik nalunaarusiaat, ingerlatseqatigiiffiit tamarmik immikkut nittartagaataanni pissarsiarineqarsinnaasut aamma innersuussutigai. Taamaattumik apeqqutigisatit Namminersorlutik Oqartussat, tassaasut qitiusumik aqutsisoqarfik immikkoortortaqaarfiillu taassuma ataaniittut kisiisa eqqarsaatigalugit akineqarput.

**2. Allaffissornikkut atortulersuutinik nakkutilliineq aamma aserfallatsaallineq pillugit kiffartuussinermut sullissinermullu isumaqatigiissutit aningaasartuutitigut qaffassimappat? Imaluunniit apparsimappat?**

**Akissut:**

Soorlu tabel 1-imi allassimasoq, IT-mut atortunullu tunngasut ukiut ingerlanerini nikerartuupput, killormullu allaffinnut tunngasut appariartorlutik.

**3. Ukiut kingulliit pingasut allaffissornermi atortulersuutit pillugit namminersortunut ataasiakkaanut sullissinermi isumaqatigiissusiortarnermut aningaasartuutit tamakkiisumik takussutissinneqarsinnaappat?**

**Akissut:**

Namminersorlutik Oqartussat immikkoortortaqaarfiillu taakku ataaniittut pillugit IT-mut allaffinnullu tunngasuni sullissinermik isumaqatigiissutit tabel 2-mi allattorsimapput.

**Tabel 2: IT-mut aningaasartuutitut aammalu allaffinnut tunngasunut agguataarlugit sullissinermik isumaqatigiissutit. Ukiut malillugit agguataarneri**

Sumiiffik	2010	2011	2012	2013 *
IT- mut aningaasartuutit	27.949.764	26.691.232	19.096.401	21.183.267
Allaffinnut tunngasut	4.698.381	5.553.630	6.292.727	5.126.913
<b>Katillugit</b>	<b>32.648.145</b>	<b>32.244.862</b>	<b>25.389.129</b>	<b>26.310.180</b>

\*Decembarip naanerani 2013 kisitsisaagallartut.

Sullissinissamik isumaqatigiissutitut aningaasartuutit assersuutigalugit tassaapput ingerlatsinermut tapiissutissanut isumaqatigiissutit aamma assersuutigalugit kopimaskiinat kiisalu atortunik iluarsaassisarnerit pillugit sullissinissamik isumaqatigiissutit.

**4. Sullissisut namminersortut isumaqatigiissuteqarfigineranni suliariumannittussarsiuussinermi ukiuni kingullerni pingasuni akit qaffassimappat?**

**Akissut:**

Sullissinissamik isumaqatigiissutitut tunngasuni Namminersorlutik Oqartussat ukiuni kingullerni pingasuni print aamma kopimaskiinanut tunngasut suliariumannittussarsiortit-tarpaat. Tassani sullissinissamik isumaqatigiissutit akit siusinnerusukkut isumaqatigiissutitut sanilliullugit appariarput.

IT-mut tunngasuni tamanut tunngasunik sullissinissamik isumaqatigiissutit isumaqatigininniutigineqartarput, tamassumalu malitsigisaanik akit appariangippata isumaqatigiissutit akit allannngortinnagit sullissinermi amerlisarput. Tamakku saniatigut Namminersorlutik Oqartussani IT atorlugu suliffiusuni hard- aamma software ingerlaavartumik neqer-oorfigeqquneqartarput, tamannalu aningaasatigut sipaaruteqarnermik malitseqarluni. Tamakku saniatigut 2014-imi Namminersorlutik Oqartussat IT-mik ingerlatsinerannut

ataatsimoortumik suliariumannittussarsiorarnissamik Digtalimik Sullissinermut Aqutsisoqarfik pilersaaruteqarpoq.

**5. Allaffissornikkut atortulersuutit pillugit kiffartuussinissamik isumaqatigiissutinut akuersisartuuneq atorunnaarsitsisarnerlu kiap akisussaaffigaa?**

**Akissut:**

Immikkoortortaqaarfii tamarmik immikkut namminneerlutik akisussaaffeqarput. Immikkoortortaqaarfinnut ataasiakkaanut tunngatigullu Digtalimik Sullissinermut Aqutsisoqarfimmi imaluunniit Aningaasaqarnermut Sulisoqarnermullu Aqutsisoqarfimmi qitiusumik inissisimasuuvoq. Sullissinissamik isumaqatigiissutinut tunngasut pisariillisarnissaat paasiuminarnissaallu Namminersorlutik Oqartussani ssullissutigineqarpoq.

**6. Kikkut isumaqatigiissusiorfigineqarnissaat pillugu aalajangiisarteq nuna-tsinni inissisimava?**

**aamma**

**7. Imaluunniit nunatta avataani inissisimava?**

**Akissut:**

Soorlu apeqqummut 5-imut akissummi nassuiarneqartoq sullissinissamik isumaqatigiissutinik atsiortarneq atorunnaarsitsisarnerlu Namminersorlutik Oqartussani immikkoortortaqaarfii pingaarnertut akisussaaffigaa. Taakku Kalaallit Nunaanni inissisimassuupput, immikkoortortaqaarfii ataasiakkaat soorlu Danmarkimi Bruxellesimilu aallartitaqaarfii eqqaassanngikkaanni.

**8. Nunaqavissut suliffeqarfiutaat kiffartuussinermi sullissisussatut aningaasartuuteqarfiunerat ukiut kingulliit pingasut qanoq takussutissineqarsinnaava?**

**Akissut:**

Sullissinissamik isumaqatigiissutit aqutugalugit pilersuisutut suleqatigisat assigiinngitsut 350-iupput. Immikkoortortaqaarfii tamarmik immikkut iluini, tassalu IT-mut aningaasartuutit aamma allaffinnut tunngasuni pilersuisuni attuumassutsit kisiat qimerloortarpagut, 2010-2013-imi immikkoortortaqaarfii immikkut ataasiakkaarlutik atuinerisa katinnerini pilersuineq 90 procentiugaangat.

IT-mut tunngasut pillugit sullissinissamik isumaqatigiissutinut aningaasartuutit attuumassuteqarfinnut agguataarneri tabel 3-mi allattorsimapput.

**Tabel 3: IT-mut tunngasut pillugit sullissinissamik isumaqatigiissutinut aningaasartuutit attuumassuteqarfigisanut agguataarlugit. Ukiut mallilugit agguataarneri. Koruuninut procentinullu nalunaarsorlugit**

<b>Immikkoortortaqaarfik</b>	<b>2010</b>	<b>2011</b>	<b>2012</b>	<b>2013 *</b>
Sumiiffigisami pilersuisut	20.777.972	20.401.611	12.622.016	14.498.628
Pilersuisut allat	5.152.801	4.282.307	3.833.790	4.141.559
Sinneruttut	2.018.991	2.007.314	2.640.595	2.543.080
<b>Katillugit</b>	<b>27.949.764</b>	<b>26.691.232</b>	<b>19.096.401</b>	<b>21.183.267</b>
Procentinut agguataarneri				
Sumiiffigisami pilersuisut	74	76	66	68
Pilersuisut allat	18	16	20	20
Sinneruttut	7	8	14	12
<b>Katillugit</b>	<b>100</b>	<b>100</b>	<b>100</b>	<b>100</b>

\*Decembarip naanerani 2013 kisitsisaagallartut.

Allaffinnut tunngasuni sullissinissamik isumaqatigiissutitut aningaasartuutit attuumasuteqarfigisanut agguataarneri tabel 4-mi allattorsimapput.

**Tabel 4: Allaffinnut tunngasuni sullissinissamik isumaqatigifissutitut aningaasartuutit attuumasuteqarfiginnut agguataarlugit. Ukiut malillugit agguataarneri. Koruuninut procentinullu nalunaarsorlugit**

<b>Immikkoortortaqaarfik</b>	<b>2010</b>	<b>2011</b>	<b>2012</b>	<b>2013 *</b>
Sumiiffigisami pilersuisut	2.764.059	4.052.335	4.898.480	2.920.546
Pilersuisut allat	1.410.301	951.895	890.691	1.160.851
Sinneruttut	524.021	549.400	503.556	1.045.517
<b>Katillugit</b>	<b>4.698.381</b>	<b>5.553.630</b>	<b>6.292.727</b>	<b>5.126.913</b>
Procentinngorlugit agguataarneri				
Sumiiffigisami pilersuisut	59	73	78	57
Pilersuisut allat	30	17	14	23
Sinneruttut	11	10	8	20
<b>Katillugit</b>	<b>100</b>	<b>100</b>	<b>100</b>	<b>100</b>

\*Decembarip naanerani 2013 kisitsisaagallartut.

#### **9. Aningaasartuutit qaffassimappat imaluunniit appsimappat?**

**Akissut:**

IT-mut tunngasuni sullissinissamik isumaqatigiissutit ukiuni sisamani kingullerni nikerartuupput. 2012 tungaanut appariartoqalaartoq ilimanarpoq, tamatumalu kingorna 2013-imut qaffariarluni. Allaffinnut tunngasuni sumiiffigisamik pilersuisunut sullissinissamik isumaqatigiissutitut aningaasartuutit 2010-mit 2012 tungaanut qaffapput. Ukioq naatsorsuusiorfiusoq 2013 suli maanna naammassineqanngimmat, 2012-imit 2013-imut nikerarneq paasissallugu siusippallaarpoq.

#### **10. Allaffissornikkut atortulersuutit qaqugukkut taarserneqartarpat aamma**

#### **11. Atortulersuutit plusinnaanerattut killiliussaq nalleraangat?**

**Akissut:**

Immikkoortortaqaarfinni atortut nungullarlutik atorunnaaraangata imaluunniit taarsiinissaq aningaasatigut iluaqutaagaangat atortut taarserneqartarput.

#### **12. Imaluunniit atortut qaqugukkut taarserneqarnissaat pillugu nakkutillineq qanoq ingerlanneqarpa?**

**Akissut:**

Atortut suuneri aammalu taarsiinermut peqqutaasoq malillugit tamanna nikerartuuvoq. Nungullartoorneq atortut naapertuuttumik atorunnaarneranik malitseqakujuttuuvoq. Atortut arlaat nutaanngiligaangat tamanna takuneqarsinnaagajuttarpoq imikkoortortaqaarfii atorfissaqartitaat naammassineqarsinnaanngikkaangat. Atortut taarsernissaat aningaasaqarnermut iluaqutaassaqaq, atortut tigummiinnarnerinut atatillugu aningaasartuutit atortunik nutaanik pisinermi aningaasartuutinit qaffasinnerugaangata. Immikkoortortaqaarfii immikkut namminneerlutik salliullutik nakkutilliisuusarput immikkoortunilu ataa-siikkaani Digitalimik Sullissinermut Aqutsisoqarfimmi imaluunniit Aningaasaqarnermut Sulisoqarnermullu Aqutsisoqarfimmi qitiusumik inissisimasarluni.

Inussiarnersumik inuulluaqqusillunga

  
Vittus Qujaukitsog